

اداره مخصوصه

درسعادتده ياب على جوارنده

محل اداره :

مستطابق

اخطار :

مسلكنزه موافق آثار جديده مع المنوبه

قبول اولنور

درج ابدليني آثار اعاده اولنار

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شتون اسلاميه دن
بحث ايدر وهفته ده بردفعه نشر اولنور.

درسعادتده نسخه سى ۵۰ پاره در

صاحب و مؤسلى :

ابوالعلا زين العابدين — ح. اشرف اديب

تاريخ تأسيسى

۱۰ تموز ۳۲۴

قبراه دن مقوا بورو ايله كوندربليرسه سنوى
۲۰ غروش فضله آلير

آبونه بدلى

سنه لى ۸۰
التى آينى ۴۰
غروش »

هر طرف ايچون

اجلاس ایدلکله بالعموم مسلمانلرک خلیفه سی و بالعموم عثمانیلرک پادشاهیدر .

طوائف ملوک اسلامییه کلنجه انلره یالکز امیر ، ملک ، سلطان ، حکمدار ، پادشاه دینور . فقط خلیفه اطلاق اولماز . خلیفه بر اولور . امیر ، سلطان ، ملک ، حکمدار ، پادشاه متعدد اوله یلور . دارالفنون عثمانی الهیات و ادبیات شعبه لری مدیری

حق

مِنَاقِبِ سَنَنِہ

مامضت فترۃ من الرسل الا

بشرت قومها بك الانبياء

رسل کرامدن خالی هیچ بر فترت کچمدی که اوفرتدن صکره کلن رسولار کندی قوملرینه سنی تبشیر ایتسولر . هر فترت که انده سنک ذکر و یادک فراموش ایدلدی ، انی متعاقب بعث اولنان رسل فخام طرفندن سنک بمثک ، رسالت باهره ، مجد و شرفک کندی قوملرینه تبشیر اولنور و بوضورتله نعت و وصفک دمبدم تجدید ایدیلور ایدی . پیغمبران عظام علیهم الصلاة والسلام حضر اتنک بو توصیف و تبشیرلری ده یاحیب الله ! سنک کمال شرف و رفعتک بشقه جه دلیل واضحدر .

بیان اعراب و لغات : [فترۃ] فاعلدر . فترت : بر رسولک وفاتیله انی متعاقب کلن دیگر بر رسولک بعثی اده سنده کی زمانه اطلاق اولنور . [من الرسل] مخدوفه متعلق اوله رق [فترۃ] لفظک صفتی در . و [خالیۃ من الرسل] تقدیرنده در . ضرورت وزن ایچون [رسل] بوراده سینک سکونیه قرائت اولنور . فترت مفهومنده رسالدن خالی اولقی قیدی معتبر ایکن ناظم حضر . تلرینک انی بو وجهله آیریجه توصیف ایتسی یا محل استعمالی تعیین ایتمش اولسنه صرف ایدیلور و یاخود فترتی اوقیددن تجرید ایدرک مطلق زمان معناسنده استعمال ایلش اولدیغه حل اولنور . [بشرت] تفعلیل بابندن ماضی و تحتند مستتر ضمیر فترته راجعدر . [قومها] مقدم مفعول و ضمیرک مرجعی مؤخر فاعل اولان [الانبیاء] در . بوراده انبیا ایلله مراد رسل کرامدر .

تباهی بك المصور وتسمو

بك عیاء بعدها عیاء

اعصار ودهور سنکله تباهی ایدر . و ما بمندده دها عالی مراتب بولنان مرتبه علیه سنکله علو و رفعت بولور . برحاله طور میوب پیدر ، ترقی ایتمکده اولان مدارج سامیه سنکله اغتلا ایدر . یاحیب الله ! سن دها عالم اصلا ب وار حامده ایکن دور آدمدن بو عالم شهودده ظهورک قدر کذار ایتش اولان اعصار ایلله ظهور کدن بعثتک

عصریه ایلله بعضاً سلطنت دنیویه دن انشکاء ایدرک یالکز سناطنت دینییه منحصر قالش ایدی . خلفاء راشدین زماننده خلافت سلطنت دینییه و دنیویه بی جامع ایدی . امویلر زماننده حکومت خلافتدن آیرلماش ایدی . یالکز مروان زماننده و اوغلی عبدالملک بن مروانک بدایت عهدنده حکومت اسلامییه دوچار تفرقه اولمش ایدی . مکده کی ابن الزبیر اسبق و افضل اولسی اعتباریله خلیفه طاندنندن مروان ایلله عبدالملک خلیفه نامی ویرلماش ایدر . ابن الزبیرک شهادتی اوزرینه عبدالملک خلافتی احراز ایتمشدر . عراقده کی عباسیه دولتی بدایتده خلافت و حکومتی جمع ایتش ایدی . بالاخره حکومت آل بویه ایلله آل ساجوقه انتقال ایتدی . بنی عباسده یالکز سلطنت دینییه قالدی .

آل ساجوقک بغداددن قالمسی اوزرینه بتکرار عباسیلر سلطنت دنیویه صاحب اولمشرایسده بوده چوق سورمدی ، ۶۵۶ تاریخنده جنکیزک خفیدی هولاکونک تیغ غدریله خلافت عباسیه منقرض اولدی . اوچ سنه خلافت اسلامییه منحل قالدی ، ۶۵۹ تاریخنده مصرده یکیدن خلافت عباسیه تأسس ایتدی . فقط مصر عباسیلرنده حکومت یوق ایدی . حکومت مماليك بحریه و مماليك چراکسه انده ایدی .

۹۲۳ تاریخنده خلافت اسلامییه بنی عباسدن بنی عثمانه انتقال ایتدی . بنی عثمان خلافت و حکومتی جمع ایتمشدر . آل عثمانک برنجی خلیفه سی بولنان سلطان سلیم خلافت اسلامییه بی دست کفایتده آلدینی زمان کندوسنه قارشو طوره جق بر حکمدار یوق ایدی . درایت و عصیبتی امتی حماییه بالغاً ماباغ کافی ایدی .

ثانیاً : خاتمۃ خلفاء عباسیه اولان متوکل علی الله سلیم اولک کفایتی تقدیر ایدرک خلافتی وصیت ایتدی . بو وصیت و ترک خلافت اهل حل و عقد طرفندن قبول ایدلدی . علماء ازهر ایلله علماء رومدن مرکب بر مجلس عمومی سلطان سلیمی خلیفه انتخاب ایدرک سیف شهابتی تسلیم ایتدیلر . ایشته جلوسی متعاقب اجرا ایدان تفلید سیف آینی بوندن نشأت ایتمشدر .

ثالثاً : سلطان سلیم قبله کاه مؤمنین اولان حرمین محترمی حمایه ایتدی . چراکسه نک « مالک الحرمین » عنواننه بدل تأدباً « خادم الحرمین » عنوانیله اکتفا ایتدی . الی یومناهدا ح مین سلاطین عثمانیه طرفندن حمایه ایدلشددر . یالکز قرن عاشورده یدی سنه قدر زیدی اماملری طرفندن و قرن اخیرده ینه یدی سنه قدر وهابیلر طرفندن ضبط ایدلدیکندن اوزمانلر حرمین محترمین حمایه ایدیلله مامشدر .

رابعاً : سلطان سلیم خان امانات مبارکی حفظ ایتدی . الحاصل صفدر دوران سلطان سلیم خان حق سیف و وصایت و حمایه حرمین و محافظه امانات مبارکه ایلله خلافت اسلامییه احق اولدی . و اهل حل و عقدک انتخابیه مقام جلیل خلافتی احراز ایتدی . الیوم پادشاهز سلطان محمد خان خامس حضرتبری متمزک انتخابیله ترجمان آمال اوله رق اجتماع ایدن و بافتوای شرعی اهل حل و عقد اولدینی ثابت اولان « مجلس عمومی ملت » طرفندن بالانتخاب کرسی . خلافتک

کیجه درسلی:

— ۲ —

قوت حاضر لامق

مقرری: موسی کاظم

محرری: اشرف ادیب

شربعتک دنیا به متعلق احکام اصلیه سندن بریسی ده قوت حاضر- لامق در . بوده ، استیذبالله (واعدوا لهم ما استطعتم من قوة) آیتندن مستنبطدر . « قدر تکز یتدیکی قدر اعدا ایچون اعدایه قارشو قوت حاضر لایک! » بو آیتده اعدایه قارشو قدر تمز یتدیکی قدر اعداد قوتله امر اولونیورز . بیلیر سکز که امرلر وجوب ایچوندر . شو حالده بو آیت جلیله منطوقجه دشمنه قوت حاضر لامق بتون مسلمانلره فرضدر .

قوت ، زمانه کوره دکیشر . هر زمانده عین قوت اولماز . چونکه بو عالم عالم ترقی در ، دائماً ترقی ، دائماً تحول ایتمکده در . بویله تحول حاصل اولدجه لازم کلن قوتلرده ترقی ایدر .

عصر نییده قوت : اوق ، یای ، قلیج ، فرس ایدی ، نهایت الک بیوک قوتده کرز ایدی . هله قبلده اولورسه آرتق الک مکمل قوتده حاضر لشم اولوردی . چونکه اوزمان هر کسک استعمال ایتدیکی قوت بونلردن عبارت ایدی .

صوکر ا بونلر دکیشه دکیسه ، ترقی ایده ایده شو حاله کلدی . بوکون قوت : طوپ ، توفک ، قروب طوپلری ، دومانسز باروتلر ، مکمل ماوزرلر... طوپلرکده انواعی وار : ماقسیم طوپلری ، صحر ا طوپلری ، جبل طوپلری ، سریع آتشلی طوپلر .. صوکر ا زرهیلر ، شمندوفرلر که بونلرده پک مهم قوتلدر . زیرا بونلر اولماسه عسکر بریره سوق اولنه ماز . یا ا کیدیلیرسه بر آیلق ، ایکی آیلق مملکتلر وار ؛ اورالردن عسکر کتیرنجبه قدر خارجدن دشمن مملکتی استیلا ایدر .

دیملک که بوکون بزم اعدامزده ، خصملمزده نه کبی قوتلر وارسه عینی قوتلرک بزدده بولنمی لازمدر . اوقوتلری اعداد ایتهمز فرضدر ، واجب مطلقدر . واجب مطلقک مقدمه سی ده واجب اولدیغندن شوقوتلری احضار ایچون نه قدر مقدمات وارسه اونلری ده استحضار واجیدر .

بو قوتلری احضار ایچون نه کبی وسائط لازم ؟ دوشونه لم . اول باول معارف ... معارف سز بونلر میدان کله مز .

چونکه جاهل بر قوم هیچ بر قوت اعداد ایدمز . او یله ایسه شو عصرده شو قوتلری احضار ایدمک علوم وفنون نهدن عبارت ایسه اونلری تحصیل ، شرعاً فرضدر ، واجیدر .

شوقدر که بتون امته واجب دکلدر ، فرض کفایه در . ایچمزدن بر قسممز شوقوتلرک متوقف علیهی اولان وسائلی تحصیل ایتلیدر . بو ، بهمه حال لازمدر . بونک ایچون اوتنه دنبری مکتبلر اچلمش

واندن عالم جماله انتقالکه وعهد صحابه دن شیمدی یه دک کچمش وبوندن بویله دخی آخر الزمانه قدر کچه جک اولان اعصار دن هر برنده کرک آباء واجدادک ضمننده کی وجودک و کرک سنک بالذات وجودک جهتیله و کرک کمالات نبویه کدن استمداد حسیله کنندینه خاص بر مزیت بولدیغندن هر عصر وزمان بومزیت مخصوصه سی ایله دیگر اعصار وازمان اوزرینه افتخار ایلر و سنک هر عصرده ماقبلندن بالا و مابعدی اندن ارفع واعلا مراتبک اولوب بومراتب الی مالانهایه تراید واعتلا ایدر .

..

« انه لیغان علی قلبی فاستغفر الله » حدیث شریفک شرح و ایضا- حنده قطب ربانی ابوالحسن قدس الشاذلی سره حضر تلی شویله دیمشدر : « بوغین : غین انواردر ، غین اغیار دکلدر . چونکه ذات رسالت اب افدمز مراتب علیه ده دائم الترقی اولدیغندن قاب شریفلری اوزرینه انوار علوم و معارف توالی ایتدکجه بولندینی مرتبه دن ده اعالی مرتبه یه ارتقا ایدوب ماقبلنده کی مرتبه نک اندن دون اولدیغنی مشاهده بیور- ملریله تواضعاً و کمالک ترایدینی طلباً او مرتبه دونه تلبس و مقارنقندن ناشی جناب حقه استغفار ایدر ایدی . »

فتحیه ایله [غین] اورتمک و قاپلامق مغاسنه در . حدیث شریفک معنای ظاهری اعتباریله مالی : رسول اکرم افدمزک قلب انورلری مدام استغراق اوزره ایکن حسب البشریه احیاناً امور دینه ایله اشتغال بیورلمسندن کنایه اوله رق مستور قالمسنه مبنی جناب حقه استغفار ایتدکلرینی مشعردر .

ذات نبوت پناه افدمزک بری برینه فائق بولنان مراتب علیه ایله ترفع واعتلا ایتدیکی ذهنه متبادر ایکن ناظم حضر تلیزیک بالعکس او مراتب علیه نک ذات رسالت پناه افدمزله علو و رفعت بولندیغنی بیان ایتمی ، چونکه ذات نبوتلری عالم امرده هیچ بر مخلوق ایچون میسر اولمیان اکمل کمال اوزره خلق ایدلمش و محض مراتب علیه حضرت احمد مختار ایله شرفیاب اولمق ایچون عالم شهوده او مراتبده مترقی اوله رق کلش اولدیغندن مراتب علیه ذات محمدی ایله اشرف ایدوب یوقسه خلقة اکمل اولان ذات احمدی مراتب علیه ایله اشرف ایلمدیکی ایچوندر .

..

بیان اعراب و لغات : [تنباهی] فعل مضارع و مصدری اولان تنباهی تفاخر معناسنه در . [العصور] فاعل و عصرک چی در . عصر ایله بوراده زمان و دهر مراددر . [تسمو] علوم معناسنه اولان سمودن مضارع . [علیاء] اعلی نک مؤثی و [مرتبه علیاء] تقدیرنده اوله رق [تسمو] نک فاعلی در . [بعدها علیاء] جمله اسمیه و برنجی علیانک صفتی در .

برکت زاده : اسماعیل حق

بقیه سی وار